

Na osnovu člana 39. Stav 2 Statuta Asocijacije za informacione tehnologije u Bosni i Hercegovini (u daljnjem tekstu BAIT), Skupština BAIT-a na svojoj sjednici održanoj dana 4. 11. 2008. godine u Sarajevu donosi

POSLOVNIK O RADU NADZORNOG ODBORA ASOCIJACIJE ZA INFORMACIONE TEHNOLOGIJE U BOSNI I HERCEGOVINI

Član 1.

Poslovníkom o radu Nadzornog odbora utvrđuje se način sazivanja i rada Nadzornog odbora BAIT-a i druga pitanja značajna za rad Nadzornog odbora.

Odredbe ovog Poslovnika obavezne su za sve članove Nadzornog odbora ili druge osobe koje po pozivu učestvuju u njegovom radu.

Član 2.

Nadzorni odbor ima Predsjednika i 4 člana čiji mandat traje 4 godine.

Predsjednika i članove Nadzornog odbora bira Skupština BAIT-a u skladu sa odredbama Statuta.

Član 3.

Član Nadzornog odbora kojeg predlaže kompanija članica BAIT-a, je individualiziran po imenu i prezimenu i poziciji u kompaniji i isti dostavlja u momentu izbora svoje lične podatke u smislu adrese, matičnog broja i pozicije u kompaniji.

Član 4.

Član Nadzornog odbora je dužan aktivno da učestvuje u radu Nadzornog odbora i njegovo postupanje da bude motivisano savjesnošću i časnošću.

Član Nadzornog odbora je dužan da redovno prisustvuje sjednicama Nadzornog odbora i ima pravo i mogućnost u slučaju spriječenosti da odsustvuje najmanje dva puta u jednom mandatu.

U slučaju odsustva dužan je da obezbijedi odgovarajuću zamjenu uz pismeno punomoćje uz posebnu napomenu za pravo opunomoćnika da odlučuje i glasa sa neograničenim mandatom.

Član 5.

Ukoliko član nadzornog odbora odsustvuje više od dva puta u toku jednog mandata, bez obzira na činjenicu što je u vrijeme odsustva imenovao punomoćnika, mandat članu Nadzornog odbora prestaje.

U tom slučaju, Predsjednik Nadzornog odbora će predložiti kompaniji članici BAIT-a da u roku od 15 dana imenuje drugog predstavnika na njegovom mjestu.

Ukoliko kompanija članica BAIT-a ne dostavi svoj prijedlog za novog člana, tada će Predsjednik Nadzornog odbora predložiti Skupštini da predstavnik iz druge kompanije zauzme njegovo mjesto.

Ukoliko član Nadzornog odbora promijeni poslodavca, odnosno prestane raditi kod kompanije koju je predstavljao u Nadzornom odboru, tada će kompanija naznačiti novog odgovarajućeg predstavnika.

Član 6.

Radom Nadzornog odbora rukovodi predsjednik Nadzornog odbora. U slučaju spriječenosti predsjednika Nadzornog odbora radom Nadzornog odbora rukovodi zamjenik kojeg on ovlasti.

Nadzorni odbor saziva predsjednik Nadzornog odbora a može se sazvati i na zahtjev jednog od članova Nadzornog odbora. Nadzorni odbor se može sazvati i na zahtjev Upravnog odbora kao i na obrazloženi prijedlog Izvršnog direktora BAIT-a.

Član 7.

Nadzorni odbor sastaje se po potrebi a najmanje jednom godišnje.

Član 8.

Pozive članovima Nadzornog odbora dostavlja Ured BAIT-a u ime predsjednika Nadzornog odbora. Radni materijal na zahtjev predsjednika Nadzornog odbora priprema Ured BAIT-a.

Materijale sa pozivima i dnevnim redom moraju biti upućeni najmanje 7 dana prije održavanja sastanka. U slučaju kada to zahtjevaju izvanredne okolnosti materijali i pozivi mogu biti upućeni tri dana prije.

Član 9.

Nadzorni odbor može raditi i pravovaljano odlučivati ukoliko je na sjednicama prisutno više od polovine članova.

Član 10.

Odluke se donose nadpolovičnom većinom ukupnog broja članova Nadzornog odbora javnim glasanjem. Da bi Odluke bile punovažne neophodne je da se za nju izjasni više od polovine ukupnog broja članova Nadzornog odbora.

Član 11.

Na sjednici Nadzornog odbora vodi se zapisnik.

Nadzorni odbor prije početka rada imenuje zapisničara između prisutnih članova Nadzornog odbora. U zapisnik se unose zaključci i odluke Nadzornog odbora.

Zapisnik potpisuje predsjednik Nadzornog odbora. Zapisnik se dostavlja svim članovima Nadzornog odbora te Predsjedniku skupštine.

Član 12.

Na osnovu zapisnika, izvještaje o finansijskom poslovanju BAIT-a potpisuje predsjednik Nadzornog odbora te ih u skladu sa odredbama Statuta BAIT-a podnosi Skupštini BAIT-a.

Član 13.

Na osnovu člana 27. stava 3. Statuta, Nadzorni odbor može uputiti predsjedniku Skupštine prijedlog za sazivanje izvanredne Skupštine BAIT-a, ako za to postoje opravdani razlozi. Članovi Nadzornog odbora mogu prisustvovati sjednicama Upravnog odbora.

Član 14.

Ovaj Poslovnik stupa na snagu i primjenjuje se danom donošenja na Skupštini.

Broj: _____

Sarajevo, 4. 11. 2008.g

Predsjednik Skupštine:

Prof. dr Tadej Mateljan